

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KTPO 0052915 23
Zenica, 06.03.2025. godine

OPĆINSKOM SUDU U ŽEPČU
Sudiji za prethodno saslušanje

Na osnovu odredbe člana 45. stav 2. tačka h) i člana 241. stav 1. i člana 350. Zakona o krivičnom postupku Federacije Bosne i Hercegovine (ZKP F BiH), podižem

O P T U Ž N I C U

Protiv,

B. E., nije osuđivana, ne vodi se drugi krivični postupak protiv nje,

što je,

U vremenskom periodu od kraja novembra do polovine decembra 2022. godine, na području opštine Žepče, u poslovnoj jedinici „...“ d.o.o Sarajevo, kao prodavač pod rednim brojem ... u privrednom društvu „...“ d.o.o Sarajevo, obavljajući poslove koji su joj povjereni u skladu sa članom 10. tačka 11. Pravilnika o organizaciji društva i sistematizaciji radnih mjesta privrednog društva ... d.o.o Sarajevo, u kojem svojstvu je odgovorna za prodaju i osiguravanje dobre usluge kupcima, te da sudjeluje u ostalim zadacima vezanima uz poslovanje trgovine uključujući i rad na blagajni, s ciljem pribavljanja protivpravne imovinske koristi prisvojila novac koji joj je bio povjeren u službi, na način da je artikle, i to nadmadrac 180x200 ..., nadmadrac 80x200 ..., stolić ... 55x55 bijeli/bambu, set posteljine ... 200x220, stalak za odjeću ... crni, 2x set posteljine ... saten 140, nadmadrac 180x200 ..., Stolić ... 55x55 bijela bambus, set posteljine ... saten 140x200, koji su bili prodati i koje su kupci preuzeli, iste naknadno putem blagajne prikazala da su reklamirani od strane kupaca, nakon čega je navedene artikle u blagajni stornirala i prikazala da je istima po osnovu reklamacije isplaćen novac na ime povrata, iako je znala i bila svjesna da kupljeni artikli nisu reklamirani, niti im je vraćen novac, pa je takav novac u ukupnom iznosu od 1000,00 KM koji joj je povjeren na radu uzela i prisvojila, što je i htjela, na koji način je to privredno društvo oštetila za navedeni iznos, a koji novac je u cijelosti potom vratila nakon što je otkrivena.

Dakle, s ciljem pribavljanja protivpravne imovinske koristi prisvojila novac koji joj je povjeren u službi,

čime je počinila krivično djelo Pronevjera u službi iz člana 384. stav 1. KZ FBiH.